


孔子家語

卷九之十




			五二	漢書門
			五二	
		五〇	五	
五六		五		
册	架	函	號	類

庫文閣內			
五	五	五	漢
函	册	號	書
四	五	五	
架	册	號	類

內閣文庫			
番號	漢	5215	
冊數	5 ( 5 )		
函號	298	15	

五止





孔子家語卷第九

淺草文庫

聖唐書局

七十二弟子解第三十八

顏回魯人字子淵少孔子三十歲年二十九而

髮白三十一早死此書久遠年數錯誤未可詳


六十此一歲然伯魚五十先孔子卒之時孔子且

七十此謂顏回先伯魚死而論語云顏回死顏

路請子之車以為之槨子曰鯉孔子曰自吾有

回門人日益親顏回為孔子附之友回以德

行著名回能使門人益親夫人回以德





夫子稱其孝焉。

冉耕魯人字伯牛以德行著名有惡疾孔子曰命也夫。

冉雍字仲弓伯牛之宗族生於不肖之父以德行著名也。

宰予字子我魯人有口才以言語著名仕齊為臨菑大夫與田常為亂夷其三族孔子耻之曰不在利病其在宰予。言宰予為病利

端木賜字子貢衛人少孔子三十一歲有口才

著名孔子每詘其辨家富累千金常結駟連騎

以造原憲々居蒿廬蓬戶之中與之言先王之

義原憲衣弊衣冠并日蔬食既蔬食并日而後食也衍然

有自得之志子貢曰甚矣子何如之病也原憲

曰吾聞無財者為之貧學道不能行者為之病

吾貧也非病也子貢慙終身耻其言之過子貢

好販與時轉貨販發舉買賤賣貴隨時轉化以殖其貨者也歷相魯

衛而終於齊

冉求字子有仲弓之宗族少孔子二十九歲有



才藝以政事著名仕為季氏宰進則理其官職退則受教聖師為性多謙退故孔子曰求也退故進之

仲由卞人也字子路一字季路少孔子九歲有勇力才藝以政事著名為人果烈而剛直性鄙而不達於變通仕衛為大夫遇蒯聵與其子輒爭國子路遂死輒難孔子痛之曰自吾有由而惡言不入於耳子路孔子禦侮之友惡言不入於耳○蒯苦怪反聵五怪反言偃魯人字子游少孔子三十五歲特習於

禮以文學著名仕為武城宰嘗從孔子適衛與將軍之子蘭相善使之受學於夫子

卜商衛人字子夏少孔子四十四歲習於詩能

誦其義子夏所叙詩義今之毛詩序是以文學著名為人性不

弘好論精微時人無以尚之嘗返衛見讀史志

者云晉師伐秦三豕渡河子夏曰非也已亥耳

讀史志曰問諸晉史果曰已亥於是衛以子夏

為聖孔子卒後教於西河之上魏文侯師事之

而諮國政焉



顓孫師陳人字子張少孔子四十八歲為人有  
容貌資資寬冲博接從容自務居不務立於仁

義之行子張不悔饒寡性凱悌寬冲故子貢以

未仁也孔子門人友之而弗敬曰其出曰其

曾參南武城人字子輿少孔子四十六歲志存

孝道故孔子因之以作孝經齊嘗聘欲與為卿

而不就曰吾父母老食人之祿則憂人之事故

吾不忍遠親而為人役參後母遇之無恩而供

養不衰及其妻以藜烝不熟因出之入曰非七

出也參曰藜烝小物耳吾欲使熟而不用吾命

况大事乎遂出之終身不取妻其子元請焉告

其子曰高宗以後妻殺孝已尹吉甫以後妻放

伯竒吾上不及高宗中不比吉甫庸知其得免

於非乎

澹臺滅明武城人字子羽少孔子四十九歲有

君子之姿孔子嘗以容貌望其才々々不充孔

子之望然其為人公正無私以取與去就以諾

為名仕魯為大夫也



高柴齊人高氏之別族字子羔少孔子四十歲長不過六尺壯貌甚惡為人篤孝而有法正少居魯見知於孔子之門仕為武城宰

宓不齊魯人字子賤少孔子四十九歲仕為單父宰有才智仁愛百姓不忍欺孔子大之

樊須魯人字子遲少孔子四十六歲弱仕於季氏

有若魯人字子有少孔子三十六歲為人強識好古道也

公西赤魯人字子華少孔子四十二歲束帶立朝閑賓主之義

原憲宋人字子思少孔子三十六歲清靜守節貧而樂道孔子為魯司寇原憲嘗為孔子宰孔子卒後原憲退隱居干衛

公冶長魯人字子長為人能忍耻孔子以女妻之

南宮鞅魯人字子容以智自將世清不廢世濁不洿孔子以兄子妻之



公折衷齊人字季沉鄙天下多仕於大夫家者  
是故未嘗屈節入臣孔子特歎貴之

曾點曾參父字子皙疾時禮教不行欲修之孔

子善焉論語所謂浴乎沂風乎舞雩之下

顏由顏回父字季路孔子始教學於闕里而受

學少孔子六歲

商瞿魯人字子木少孔子二十九歲特好易孔

子傳之志焉

漆雕開蔡人字子若少孔子十一歲習尚書不

樂仕孔子曰子之齒可以仕矣時將過子若報

其書曰吾斯之未能信言未能明此書意孔子悅焉

公良儒陳人字子正賢而有勇孔子周行常以

家車五乘從

秦商魯人字不慈少孔子四歲其父堇父音與

孔子父叔梁紇俱力聞

顏刻魯人字子驕少孔子五十歲孔子適衛子

驕為僕衛靈公與夫人南子同車出而令官者

雍梁參乘使孔子為次與遊過市孔子耻之顏



刻曰、夫子何耻之、孔子曰、詩云、覯爾新婚、以慰我心、慰、乃歎曰、吾未見好德如好色者也、  
司馬黎耕、宋人、字子牛、爲性躁、好言語、見兄桓魋行惡、牛常憂之、  
巫馬期、陳人、字子期、少孔子三十歲、孔子將近行、命從者皆持蓋、已而果雨、巫馬期問曰、且無雲、既日出、而夫子命持雨具、敢問何以知之、孔子曰、昨莫月宿畢、詩不云乎、月離於畢、俾滂沱矣、以此知之、

梁鱣、齊人、字叔魚、少孔子三十九歲、年三十未  
有子、欲出其妻、商瞿謂曰、子未也、昔吾年三十  
八無子、吾母爲吾更取室、夫子使吾之齊、母欲  
請出吾、夫子曰、無憂也、瞿過四十、當有五大夫、  
今果然、吾恐子自懷生耳、未必妻之過、從之、二  
年而有子、  
琴牢、衛人、字子開、一字張、與宗魯友、聞宗魯死、  
欲往弔焉、孔子弗許、曰、非義也、  
冉孺、魯人、字子魚、少孔子五十歲、



顏辛魯人字子柳少孔子四十六歲

伯夏字楷少孔子五十歲

公孫寵衛人字子石少孔子五十三歲

曹卹少孔子五十歲

陳亢陳人字子亢一字子禽少孔子四十歲

叔仲會魯人字子期少孔子五十歲與孔斑年

相比每孺子之執筆記事於夫子二人迭侍左

右孟武伯見孔子而問曰此二孺子之幼也於

學豈能識於壯哉孔子曰然少成則若性也習

慣若自然也

秦祖字子南

奚歲字子偕

公祖茲字子之

廉絜字子曹

公西與字子上

宰父黑字子黑

公西減字子尚

穰駟赤字子從

冉季字子產

薛邦字子從

石處字里之

懸亶字子象

龙郢字子行

狄黑字招之

商澤字子秀

任不齊字子選



榮祈字子祺

顏噲字子毅

原挑字子藉

公肩字子仲

秦非字子之

漆雕從字子文

燕級字子思

公夏守字子乘

勾井疆

步叔乘字子車

石作蜀字子明

邾選字子飲

施之常

申績字子周

樂欣字子毅

顏之僕字子叔

孔弗字子茂

漆雕侈字子斂

懸成字子橫

顏相字子襄

右件夫子七十二人弟子皆升堂入室者

本姓解第三十九

孔子之先宋之後也微子啓帝乙之元子紂之庶兄以圻內諸侯入為王卿士微國名子爵初武王剋殷封紂之子武庚於朝歌使奉湯祀武王崩而與管蔡霍三叔作難周公相成王東征之二年罪人斯得乃命微子於殷後作微子之命由之與國于宋從殷之子孫唯微子先往仕



周故封之賢其弟曰仲思名衍或名泄嗣微之後故號微仲生宋公稽曹子雖遷爵易位而班級不及其故者得以故官為稱故二微雖為宋公而猶以微之號自終至于稽乃稱公焉宋公生丁公申々公生緡公共及襄公熙々生弗父何及厲公方祀々々以下世為宋卿弗父何生宋父周々生世子勝々生正考甫考甫生孔父嘉五世親盡別為公族故後以孔為氏焉

一曰孔父者生時所賜號也是以子孫遂以氏

族孔甫生子木金父金父生畢夷々々生防叔避華氏之禍而奔魯方叔生伯夏伯夏生叔梁紇曰雖有九女是無子其妾生孟皮孟皮一字伯尼有足病於是乃求婚於顏氏顏氏有三女其小曰徵在顏父問三女曰陬大夫雖父祖為士然其先聖王之裔今其人身長十尺武力絕倫吾甚貧之雖年性嚴不足為疑三子孰能為之妻二女莫對徵在進曰從父所制將何問焉父曰即尔能矣遂以妻之徵在既往廟見以夫



之年大懼不時有男而私禱尼丘之山以祈焉  
生孔子故名丘字仲尼孔子三歲而叔梁紇卒  
葬於防至十九娶于宋之并官氏一歲而生伯  
魚魚之生也魯昭公以鯉魚賜孔子榮君之貺  
故因以名曰鯉而字伯魚今年五十先孔子卒  
齊太史子與適魯見孔子孔子與之言道子與  
悅曰吾鄙人也聞子之名不覩子之形久矣而  
未知之寶貴也乃今而後知泰山之為高淵海  
之為大惜乎夫子之不逢明王道德不加于民

而將垂寶以貽後世遂退而謂南宮敬叔曰今  
孔子先聖之嗣自弗父何以來世有德讓天所  
祚也成湯以武德王天下其配在文殷宗以下  
未始有也孔子生於衰周先王典籍錯亂無紀  
而乃論百家之遺記考正其義祖述堯舜憲章  
文武刪詩述書定禮理樂制作春秋讚明易道  
垂訓後嗣以為法式其文德著矣然凡所教誨  
束脩已上三千餘人或者天將欲與素王之乎  
夫何其盛也敬叔曰殆如吾子之言夫物莫能



兩大吾聞聖人之後而非繼世之統其必有興者焉今夫子之道至矣乃將施之無窮雖欲辭天之祚故未得耳子貢聞之以二子之言告孔子子曰豈若是哉亂而治之滯而起之自吾志天何與焉

終記解第四十

孔子蚤晨作起作負手曳杖逍遙於門而歌曰泰山其頽乎梁木其壞乎梁木之主為梁者喆人其萎乎頽萎既歌而入當戶而坐子貢聞之曰泰山其頽

則吾將安仰梁木其壞吾將安杖喆人其萎吾將安放放法上聲夫子殆將病也遂趨而入夫子歎而言曰賜汝來何遲予疇昔夢坐奠於兩楹之間疇昔猶近昨夜兩楹之間殷人所奠於殯處故自知死也夏后氏殯於東階之上則猶在阼殷人殯於兩楹之間即與殯主夾之殯於西階之上則猶賓之而丘也即殷人夫明王不興則天下其孰能宗余言下無明主莫能宗已道臨也余逮將死遂寢病七日而終時年七十二矣哀公誄曰昊天不弔不



愁遺一老帛善也孔子也愁願且一者俾舜余一人以

在位焜々余在疚痲於乎哀哉尼父無自律爨

夫之顯稱律法言無以自為法子貢曰公其不沒於魯乎

夫子有言曰禮失則昏名失則憊失志為昏失

所為憊生不能用死而誅之非禮也稱一人非

名一人天子稱也君兩失之矣既卒門人所以服夫

子者子貢曰昔夫子之喪顏回也若喪其子而

無服喪子路亦然今請喪夫子如喪父而無服

於是弟子皆弔服而加麻出有所之則由經子

夏曰入宜經可居出則不經子游曰吾聞諸夫

子喪朋友居則經出則否喪所尊雖經而出可

也孔子之喪公西掌殯墓嗆以踈米三貝踈

米禮記曰緇曰嘉襲衣十有一稱加朝服一冠

章甫之冠珮象環徑五寸而緝組綬緝雜色組

環象反組則古反箕桐棺四寸柏棺五寸飭廟置翬

設披周也設崇殷也綢練設旒夏也引披樞行夾

々牙旌旗筋綢練以旒之扛於墓乘車所建也

兼用三王禮所以尊師且備古也葬於魯城北



泗水上、截入地、不及泉、而封為偃斧之形、高四尺、樹松柏為志焉、弟子皆家于墓、行心喪之禮、既葬、有自燕來觀者、舍於子夏氏、子貢謂之曰、吾亦人之葬聖人、非聖人之葬人、子奚觀焉、昔夫子言曰、見吾封若夏屋者、夏屋、今之殿形、中高而四方下也見若斧矣、從若斧者也、上難登、挾又易為功馬鬣封之謂也、俗問之名、刀菜反、又作鬣今徒一日三斬板、而以封、蓋縮廣二尺、長六尺、斫板謂斬其也、尚行夫子之志、而縮三斬上、傍殺蓋高四尺也已、尚、庶何觀乎哉、二三子三年喪畢、或留或去、惟

子貢廬於墓六年、自後群弟子及魯人處於墓、如家者百有餘家、因名其居曰孔里焉、

正論解第四十一

孔子在齊、久侯出田、田獵招虞人以旌、不進、虞人、澤之官也公使執之、對曰、昔先君之田也、旌以招大夫、弓以招士、皮冠以招虞人、臣不見皮冠、故不敢進、乃舍之、孔子聞之、曰、善哉、守道不如守官、道為恭敬之道、見君召便往、守官非守召不往也君子驥之、是驥齊國師、齊國師、齊師季康子使冉求率左師禦之、焚遲為



右非不能也不信子言季孫德不素著為民所信也請三刻而

踰之與衆要信三刻而踰滿也如之衆從之師入齊軍々々

遁遁逃冉有用戈故能入焉孔子聞之曰義也軍在

能却敵合於義既戰季孫謂冉有曰子之於戰學之乎

性達之乎對曰學之季孫曰從事孔子惡乎學

冉有曰即學之孔子也夫孔子者大聖無不該

該文武並用兼通求也適聞其戰法猶未之詳

也季孫悅樊遲以告孔子孔子曰季孫於是乎

可謂悅人之有能矣

南容說仲孫何忌既除喪除父僖子之喪而昭公在外

時為季孫所逐未之命也未命二人為卿大夫定公即位乃命之

辭曰先臣有遺命焉僖子病不知禮及其將死而屬其二子使事孔子

曰夫禮人之幹也非禮則無以立矚家老使命

二臣必事孔子而學禮以定其位公許之二子

學於孔子孔子曰能補過者君子也詩云君子

是則是做孟僖子可則做矣懲已所病以誨其

嗣大雅所謂詒厥孫謀以宴翼子是類也夫遺詒

也燕安也翼敬也言遺其子孫加謀學安敬之道也衛孫文子得罪於獻



公居戚父子衛卿於父公卒未葬文子擊鍾焉

廷陵季子吳公適晉過戚聞之曰異哉夫子之

在此猶燕子巢于幕也燕巢于幕言至危也懼猶未也又

何樂焉君又在殯可乎文子於是終身不聽琴

瑟孔子聞之曰季子能以義正人文子能克已

服義可謂善改矣孔子覽晉志史記晉趙穿

殺靈公穿趙盾從弟也趙盾亡未及山而還山晉史書

趙盾弑君盾曰不然史曰子為正卿亡不出境

返不討賊非子而誰盾曰嗚呼我之懷矣自詒

伊戚其我之謂乎孔子歎曰董狐古之良史也

書法不隱趙宣子古之良大夫也為法受惡惜

也越境乃免惜盾不越境以免於譏而受弑君之責也

鄭伐陳入之使子產獻捷于晉令人問陳之罪

焉子產對曰陳亡周之大德武王以元女大姬以配胡公而封諸

陳豕恃楚眾豕馮陵弊邑是以有往年之告告

為陳未獲命未得晉平則又有東門之從與楚

鄭至其當陳墜者并陘木刊勝陳人陘弊邑大

懼天誘其衷誘道衷善也天導陳者也啓弊邑心知其

懼天誘其衷誘道衷善也天導陳者也啓弊邑心知其

懼天誘其衷誘道衷善也天導陳者也啓弊邑心知其

懼天誘其衷誘道衷善也天導陳者也啓弊邑心知其



罪授首於我用敢獻功晉人曰何故侵小對曰

先王之命惟罪所在各致其辟誅且昔天子一

圻列國一同地方千里曰圻自是以襄周之制

也大國方百里從是以為羗伯方七十里子男

五十里周之制也而說學者以周大國方七

百里失今大國多數圻矣若無侵小何以至焉

晉人曰其辭順孔子聞之謂子貢曰志有之志

不言誰知其志言之無文行之不遠有言而無

遠也晉為伯鄭入陳非文辭不為功小子慎哉

楚靈王汰侈驕汰奢侈右尹子革侍坐有尹官名

左史倚相趨而過王曰是良史也子善視之是

能讀三墳五典八索九丘三墳三皇之書五典

丘之國對曰夫良史者記君之過揚君之善而

此子以潤辭為官不可為良史曰臣又乃嘗聞

焉昔周穆王欲肆其心肆將過行天下使皆有

車轍馬並迹焉祭公謀父作祈昭謀父周卿士

齊景公作君臣相說之樂蓋曰徵以止王心止

昭角招是也昭宜為招手補作昭王是

以獲殆於文官臣聞其詩焉而弗知



若問遠焉其焉能知王曰子能乎對曰能其詩

曰祈昭之惜々乎式昭德音祈德惜言祈昭樂之安和其法足

以昭其德音者也思我王度式如玉式如金思王之法度如金玉

純美詩云琢玉其相刑民之力而無有醉飽之心長

字刑傷民力用之不勝不節靈王揖而入饋不

食寢不寐數日則固不能勝其情以及於難孔

子讀其志曰古者有志克己獲禮為仁克勝言能勝已

私情獲之於禮則為仁也信善哉楚靈王若能如是豈期辱

於乾谿靈王起章華之臺於谿國人潰畔遂死焉子革之非左史

所以風也稱詩以諫順哉

叔孫穆子避難奔齊穆子叔孫豹其兄僑如宿

於庚宗之邑庚宗寡婦通焉而生牛名穆子返

魯以牛為內豎豎通內外之命相家長遂命相家牛讒叔孫

二人殺之叔孫有病牛不通其饋不食而死牛

遂輔叔孫庶子昭而立之子叔孫姑昭子既立朝其

家衆曰豎牛禍叔孫氏使亂大從從順殺適立庶

又被其邑以求舍罪牛取叔氏鄙三罪莫大焉

必速殺之遂殺豎牛孔子曰叔孫昭子之不勞



勞功也、不以立已為功、不可能也、周任有言曰、周任古為之賢人

政者、不賞私勞、不罰私怨、詩云、有覺德行、四國

順之、直覺昭子有焉、

晉邢侯與雍子爭田、叔魚攝理、叔魚、叔向弟、理獄官之名罪

在雍子、弊獄刑侯納其女於叔魚、弊獄刑侯之弊獄刑侯

刑侯、罪歸邢侯怒、殺叔魚與雍子於朝、韓宣子問

罪於叔向、宣子、晉正叔向曰、三斲同罪、施生戮

死可也、施行生者之罪也雍子自知其罪而賂

以置直、斲、斲獄刑侯專殺、其罪一也、已惡而

掠美為昏、掠、取善昏亂也、已惡貪以敗官為默、

默、猶冒苟貪、不畏罪殺人、不忌為賊、忌、懼夏書曰、昏默賊殺、

夏書、夏家之書、三欲陶之刑也、請從之、乃施邢

侯、而尸雍子、叔魚於市、孔子曰、叔向、古之遺直

也、治國制刑、不隱於親、三數叔魚之罪、不為末

末、薄或曰、義、或、龍傳可謂直矣、平丘之會、數直賄

也、以寬衛國、晉不為暴、諸侯會于平丘、晉人滯

賂、叔向、末追而禁之歸魯、季孫稱其詐也、以寬

魯國、晉不為虐、魯季孫見執、諸於晉、晉人歸之



能歸之叔魚說季孫之懼乃歸也邢侯之獄言其貪也以正刑

書晉不為頗頗倫三言而除三惡加三利暴衛虐魯殺三

罪去三惡加三利也殺親益榮由義也夫

鄭有卿校學扶卿校之士非論執政黻明欲毀

卿校然明子產曰何以毀為也夫人朝夕退而

遊焉以議執政之善否其所善者吾則行之其

所否者吾則改之若之何其毀也我聞忠言以

損怨不聞立威以防怨之猶防水也大決所

犯傷人必多吾弗克救也不如小決使導之不

如吾所聞而藥之藥治孔子聞是言也曰吾以

是觀之人謂子產不仁吾不信也

晉平公會諸侯于平丘齊侯及盟鄭子產爭貢

賦之所羨所承之曰昔日天子班貢輕重以列

尊卑貢周之制也卑而貢重者甸服甸服王圻之內與圻

外諸侯異鄭伯男南也而使從公侯之貢南龍

男古字作南亦多有作此懼弗給也敢以為請

自日中爭之以至于昏晉人許之孔子曰子產

於是行也是以為國基也詩云樂只君子邦家



之基也本子產君子之於樂者則能為國之本且曰

合諸侯而藝貢事禮也藝分別貢獻之事也鄭子產有疾

謂子太叔曰我死子必為政唯有德者能以寬

服民其次莫如猛夫火烈民望而畏之故鮮死

焉水濡弱民狎而翫之狎易翫習則多死焉故寬難

子產卒子太叔為政不忍猛而寬鄭國多掠盜

抄太叔悔之曰吾早從夫子必不及此孔子聞

之曰善哉政寬則民慢攪則亂於猛攪則

殘殘猛政民殘則施之以寬攪以濟猛攪以濟寬

寬猛相濟政是以和詩曰民亦勞止汙可小康

汙危也勞民人病汙可小變故以安也惠此中國以綏四方施之

以寬毋縱詭隨詭人隨人遺小惡者也以謹無良謹小懲之也

式遏寇虐憐曾也當用遏止為寇虐不畏明

者言紘之以猛也柔遠能邇言能安遠者能安近以定我

王以定安平之以和也又曰不競不絀不剛不

柔得急和布政優々百祿是道優和道聚和之至

也子產之卒也孔子聞之出涕曰古之遺愛孔

子適齊過泰山之側有婦人哭於野者而哀夫



子式而聽之曰此哀一似重有憂者使子貢往  
問之而曰昔舅死於虎吾夫又死焉今吾子又  
死焉子貢曰何不去乎婦人曰無苛政子貢以  
告孔子子曰小子識之苛政猛於暴虎  
晉魏獻子為政魏獻子分祁氏及羊舌氏之田苟  
擽滅晉大夫祈氏羊舌氏故獻子分其田以賞諸大夫及其子成  
皆以賢舉也又將賈辛曰今汝有力於王室吾  
是以舉汝賈辛帥師救周行乎敬之哉毋墮乃  
力孔子聞之曰魏子之舉也近不失親子可舉而舉也

遠不失舉故不以遠可謂美矣又聞其命賈辛以

為忠詩云永言配命自求多福忠也言我文王之詩我長

配天命而行亦當求多福以多福忠也魏子之舉也義其命也

忠其長有後於晉國乎

趙簡子賦晉國一鼓鍾謂之石之四謂之鈞之四以

鑄刑鼎著范宣子所為刑書范宣子晉卿范自銘其刑書著鼎也

孔子曰晉其亡乎失其度矣夫晉國將守唐叔

之所受法度唐叔成王母弟以經緯其民者也

經緯猶織也卿大夫以序守之序次民是以能遵



其道而守其業，貴賤不僣，所謂度也。文公是以

作執秩之官，為被廬之法。晉文公既霸，蒐于時，蓋作執秩之官，以為

法也。以為盟主，今弃此度也，而為刑鼎，銘在鼎

矣。何以尊貴？民將弃禮而傲於上，也。何業之守也？不

奉無所守也。貴賤無序，何以為國？且夫宣子之刑

夷之蒐也，晉國亂制。夷蒐之時，變易軍師，陽唐

也。若之何其為法乎？

楚昭王有疾，卜曰：河神為祟。王弗祭，大夫請祭

諸郊。王曰：三代命祀，祭不越望。天子望祀天地，諸侯祀境內，故

曰：祭不越望也。江漢沮漳，楚之望也。四水名也。禍福之至，不

是過乎？不穀雖不德，河非所獲罪也。遂不祭。孔

子曰：楚昭王知大道矣。不求之於祀也。其不失國也

宜哉。楚為吳所滅，昭王出奔，已復國者也。夏書曰：維彼陶唐，率彼

天常。陶唐堯率猶循天常，天之常道也。在此冀方，中國為冀今失厥道，

亂其紀綱，乃滅而亡。謂夏桀變又曰：允出茲在茲，由

已率常可矣。言善惡各有類，信出此則衛孔文

子使太叔疾出其妻，而以其女妻之。初疾娶於

疾疾出其妻而已，妻之疾誘其初妻之娣，為之立



宮與文子女如二妻之禮文子怒將攻之  
孔子舍璩伯玉之家文子就而訪焉孔子曰簠  
簋之事則嘗聞學之矣兵甲之事未之聞也退  
而命駕而行曰鳥則擇木豈能擇鳥乎文子  
遽自止之曰圍也豈敢度其私哉度亦訪衛國  
之難也將止會季康子問冉求之戰冉求既對  
之又曰夫子播之百姓質諸鬼神而無憾恨用  
之則有名康子言於哀公以弊迎孔子曰人之  
於冉求信之矣將大用之

齊陳恒弑其君簡公孔子聞之三日沐浴而適  
朝告於哀公曰陳恒弑其君請伐之公弗許三  
請公曰魯為齊弱久矣子之伐也將若之何對  
曰陳恒弑其君民之不與者半以魯之衆加齊  
之半可克也公曰子告季氏孔子辭不告季氏退而  
告人曰以吾從大夫之後吾不敢不告也

子張問曰書云高宗三年不言乃雍有諸雍  
有諸聲貌尚書云言孔子曰胡為其不然也古者天

子崩則世子委政於冢宰三年成湯既沒太甲



聽於伊尹太甲湯孫武王既喪成王聽於周公其義

一也衛孫桓子侵齊遇敗焉桓子孫良夫也侵齊與齊師遇為齊

也所敗齊人乘之執新築大夫仲叔于奚以其眾

救桓子桓子乃免衛人以邑賞仲叔于奚

辭請曲懸之樂諸侯軒懸之曲懸之樂一面繁纓以

朝馬纓當磨以索羣許之書在三官司徒書名司馬書服

司空書勲也

子路仕衛見其故以訪孔子孔子曰惜也不如

多與之邑惟器與名不可以假人器禮樂以器名尊卑以名

君之所司主司名以出信々以守器々以藏禮有器

然後得行其禮禮以行義義以生利々以平民故曰器以藏禮

政之大節也若以假人與人政也政亡則國家

從不可止也

公父文伯之母文伯母紡績不解文伯諫焉其

母曰古者王后親織玄統統冠者公侯之

夫人加之紘紘冠之上纒纒冠之上纒纒冠之上

二卿之內為大帶卿之妻命婦成祭服大夫之妻為命

婦列士之妻加之以朝服自庶士已下各衣其



夫秋而成事、烝而獻功。男女春秋而勤歲事、男冬祭祭而獻其功也。女紡績、憊則有砮。績、功也。砮、法也。聖王之制也。今我寡也、余又在位、朝夕恪勤、猶恐忘先人之業、况有怠愒、其何以避辟？孔子聞之曰：弟子志之。季氏之婦、可謂不過矣。樊遲問於孔子曰：鮑牽事齊君、執政不撓、可謂忠矣。齊慶剋、通於夫人、鮑牽知之、以告匡武子。之、因需公、以會於諸侯。高鮑去守、還將及至、閉門、而牽客、夫人許之曰：高鮑將不納君、遂刑鮑牽之足。而君刑之、其為至闇乎？孔子曰：古之士者、國有道則盡忠以輔之、

國無道則退身以避之。今鮑疾子食於淫亂之朝、不量主之明暗、以受大刑、是智之不如葵、猶能衛其足。葵、傾、葉、隨日轉。故曰衛其足也。

季康子欲以一井田出法賦焉、使訪孔子。子曰：丘弗識也。冉有三發、卒曰：子為國老、待子而行。若之何？子之不言、孔子不對、而私於冉求曰：求、汝來、汝弗聞乎？先王制土、籍田以力。田有稅、以籍力以治也。而底其遠近。底、平、一、其遠近也。賦里以入、而量其有無。里、塵、里有稅、度其有無也。任力以夫、而議無以為多少之人也。任力以夫、而議



其老幼力作度之事丁夫任於是瘵寡孤疾老

者軍旅之出則徵之無則已於軍旅之役則饑

無軍事則止之其歲收田一井出獲禾秉缶米芻藁不

是過其歲軍旅之歲一把曰秉四秉固稜德連

先王以為之足君子之行必度於禮施取其厚

施以厚為德也事舉其中事以中為節斂從其薄若是其已

丘亦足矣丘六井不度於禮而貪胃無厭則雖賦

田將有不足且子孫若以行之而取法則有周

公之典在若欲犯法則苟行之又何訪焉

子游問於孔子曰夫子之極言子產之惠也可

得聞乎孔子曰惠在愛民而已矣子游曰愛民

謂之德教何翅施惠哉孔子曰夫子產者猶衆

人之母也能食之弗能教也子游曰其事可言

乎孔子曰子產以所乘之輿濟冬涉者是愛而

無教也

哀公問於孔子曰二三大夫皆勸寡人使隆敬

於高年何也孔子對曰君之及此言將天下實

賴之豈唯魯哉公曰何也其義可得聞乎孔子



曰昔者有虞氏貴德尚齒夏后氏貴爵而尚齒

殷人貴富而尚齒富貴世之家周人貴親而尚齒虞

夏殷周天下之盛王也未有遺年者焉年者貴

於天下久矣次于事親是故朝廷同爵而尚齒

七十杖於朝君問則席君欲問之則為之設席而問焉八十則

不仕朝君問則就之而悌達乎朝廷矣其行也

肩而不並不敢與長者並肩也不錯則隨錯鴈行父黨隨行兄黨鴈行也

班白者不以其任於道路任負也而悌達乎

道路矣居卿以齒而老窮不匱強不犯弱衆不

暴寡而悌達乎巷矣古之道五十不為甸役十五

始老不為力役之事不為田獵之徒也頒禽隆之長者而悌達乎

蒐狩矣軍旅什伍同爵則尚齒而悌達乎軍旅

矣夫聖王之教孝悌發諸朝廷行於道路至于

州巷放於蒐狩循于軍旅則衆感以義死之而

弗敢犯公曰善哉寡人雖聞之弗能成

哀公問之於孔子曰寡人聞東益不祥東益信

有之乎孔子曰不祥有五而東益不與焉夫損

人自益身之不祥棄老而取幼家之不祥擇賢



而任不肖國之不祥老者不教幼者不學俗之不祥聖人伏匿愚者擅權天下不祥々々有五東益不與焉

孔子適季孫々々之宰謁曰君使求假於田將與之乎季孫未言孔子曰吾聞之君取於臣謂之取與於臣謂之賜臣取於君謂之假與於君謂之獻季孫色然悟曰吾誠未達此義遂命其宰曰自今已往君有取之一切不得復言假也孔子家語卷第九

孔子家語卷第十

曲禮子貢問第四十二

子貢問於孔子曰晉文公實召夫子而使諸侯

朝焉

晉文公會諸侯于溫召襄王且使守於河陽因使諸侯朝

夫子作春秋

云天王狩于河陽何也孔子曰以臣召君不可以訓亦書其率諸侯事天子而已孔子在宋見相魋自爲石椁三年而不成工匠皆病夫子愀然曰若是其靡也侈死不如朽之速愈卅子僕曰禮凶事不豫此何謂也夫子曰既死而議謚



謚定而卜葬既葬而立廟皆臣子之事非所豫  
屬也况自為之哉南宮敬叔以富得罪於定公  
奔衛々侯請復之載其寶以朝夫子聞之曰若  
是其貨也喪不若速貪之愈喪失位也子游侍曰敢  
問何謂如此孔子曰富而不好禮殃也敬叔以  
富喪矣而又弗改吾懼其將有後患也敬叔聞  
之驟如孔氏而後循禮施散焉

孔子在齊々大旱春飢景公問於孔子曰如之  
何孔子曰凶年則乘駑馬力役不興馳道不修

馳道君

祈以幣玉

及玉所祈請用幣不用牲也

祭祀不懸

不作

樂也祀以下牲當用大牢此賢君自貶以救民之  
禮也

孔子適季氏康子晝居內寢孔子問其所疾康  
子出見之言終孔子退子貢問曰季孫不疾而  
問諸疾禮與孔子曰夫禮君子不有大故則不  
宿於外非致齋也非疾也則不晝處於內是故  
夜居外雖吊之可也晝居於內雖問其疾可也  
孔子為大司寇國廡焚子退朝而之火所鄉人



有自為火來者，燭澤之士一，大夫冉子貢曰：敢問何也？孔子曰：其來者亦相吊之道也。吾為有司，故拜之。子貢問曰：管仲失於奢，晏子失於儉，與其俱失矣。二者孰賢？孔子曰：管仲鏤簋而朱紘，鏤刻而飾之，紘天子冕之，紘旅樹而友坵。天子外屏，諸侯內屏，反坵在兩楹之間，人君好會，獻酢禮畢，反爵於其上。山節藻梲，節，柶也。列為山也。畫藻文也。楹，雲稅，藻文也。賢大夫也。而難為上。晏平仲祀其先祖，而豚肩不揜豆。言隘小矣。一狐裘三十年，賢大夫也。而難為下。君子上不僭下，下不僭上。

冉求曰：昔文仲知魯國之政，立言垂法于今不亡，可謂知禮矣。孔子曰：昔臧文仲安知禮？夏父弗綦，逆祀而不止，燔柴於竈以祀焉。夫竈者，老婦之所祭。謂祭竈報其功也。老婦主祭也。盛於瓮，尊於瓶，非所柴也。故曰：禮也者，由體也。體不備，謂之不成人。設之不當，猶不備也。

子路問於孔子曰：臧武仲率師與邾人戰于狐，難遇敗焉。師人多喪而無罰，古之道然與？孔子曰：凡謀人之軍師，敗則死之，謀人之國邑危則



亡之古之正也其君在焉者有詔則無討之詔君也有君教則臣無討

晉將伐宋使人覘之也宋陽門之介夫死陽門宋城

門也介夫被甲衛門者司城子罕哭之哀覘之及言於晉

侯曰陽門之介夫死而子罕哭之哀民咸悅宋

殆未可伐也孔子聞之曰善哉覘國乎詩云凡

民有喪匍匐救之子罕有焉雖非晉國其天下

孰能當之言雖非晉國使天下有強者猶不能當也是以周任有言

曰民悅其愛者弗可敵也

楚伐吳工尹商陽與陳弃疾追吳師及之弃疾

曰王事也子手弓而可商陽手弓弃疾曰子射

諸射之弊一人齧其弓齧又及弃疾又及弃疾

回謂之弊二人每弊一人輒掩其目止其御曰

吾朝不坐燕不與士甲故也殺三人亦足以及命矣

孔子聞之曰殺人之中又有禮焉子路怫然進

曰人臣之節當君大事唯力所及死而後已夫

子何善此子曰然如汝言也吾取其有不忍殺

人之心而已



孔子在衛司徒敬之卒夫子吊焉主人不哀夫

子哭不盡聲而退璩伯玉請曰衛鄙俗不習喪

禮煩吾子辱相焉孔子許之掘中霤而浴室中霤

力救毀竈而綴足襲於牀及葬毀宗而躅行也

明不復有事於此也綴足不欲令解矣出于大

門及墓男子西面婦人東面既封而歸殷道也

孔子行之子游問曰君子行禮不求變俗夫子

變之矣孔子曰非此之謂也喪事則從其質而

已矣

宣公八年六月辛巳有事于太廟而東門襄仲

卒壬午猶繹繹祭之明字游見其故以門孔子

曰禮與孔子曰非禮也卿卒不繹

季桓子喪康子練而無衰子游問於孔子曰既

服練服可以除衰乎孔子曰無衰衣者不以見

賓何以除焉

邾人以同母異父之昆弟死將為之服因顏克

而問禮於孔子子曰繼父同居者則異父昆弟

從為之服不同居繼父且猶不服况其子乎



齊師侵魯公叔務人昭公為之遇人入保負杖而

息見先避入齊師將入保疲倦加杖頸上務人

泣曰使之雖病謂時任之雖重謂時君子弗能

謀士弗能死不可也我則既言之矣敢不勉乎

與其鄰嬖童汪錡乘往奔敵死焉皆殯魯人欲

勿殤童汪錡問於孔子曰能執干戈以衛社稷

可無殤乎

魯昭公夫人吳孟子卒不赴于諸侯孔子既致

仕而往吊焉適于季氏之室不經孔子投絰而

不拜以季氏無故子游問曰禮與孔子曰主人

未成服則吊者不經焉禮也

公父穆伯之喪敬姜晝哭文伯之喪晝夜哭孔

子曰季氏之婦可謂知禮矣愛而無上下有章

妻孔子兄之女喪其姑而誨之鑿曰尔母從之

尔母扈之尔從之高也扈言喪者無蓋

捧以為笄長尺而總八寸總束髮之也垂為飾

子張有父之喪公明儀相焉問啓顙於孔子孔

子張有父之喪公明儀相焉問啓顙於孔子孔



子曰拜而後啓顙頹乎其順啓顙頹而後拜頹乎  
其至也三年之喪吾從其至也

孔子在衛々之人有送葬者而夫子觀之曰善

哉為喪乎足以為法也小子識之子貢問曰夫

子何善尔其往也如慕其返也如疑子貢曰豈

若速返而虞哉返葬而祭謂之虞也子曰此情之至者也

小子識之我未之能也

卜人有母死而孺子之泣者孔子曰哀則哀矣

而難繼也夫禮為可傳也為可繼也故哭踊有

節而變除有期

孟獻子禫懸而不樂可禨而處內子游問於孔

子曰若是則過禮也孔子曰獻子可謂加於人

一等矣

魯人有朝祥而暮歌者子路笑之孔子曰由尔

責於人終無已夫三年之喪亦以久矣子路出

孔子曰又多乎哉又獲也言其可踰月則其善以歌不復久也

子路問於孔子曰傷哉貧也生而無以供養死

則無以為禮也孔子曰啜菽飲水盡其歡心斯



為之孝乎，歛手足形，旋葬而無槨。便旅稱其財為之禮，貧何傷乎？

曰：齊桓公食土而葬，其長子

死於羸博之間。羸博，地名也。孔子聞之曰：廷陵季子

吳之習於禮者也，往而觀其葬焉，其歛以時服

而已。隨冬夏之服，無所加。其壙掩坎，深不至於泉，其葬無

盟器之贈，既葬，其封廣輪揜坎，其高可時隱也。

既封，則季子乃左祖右還，其封且號者三，曰骨

肉歸于土，命也。若魂氣則無所不之，無所不之

而遂行。孔子曰：廷陵季子之於禮，其合矣。

子游問喪之具，孔子曰：稱家之有亡焉。子游曰：

其亡惡於齊。齊惡何限。孔子曰：有也，則無過禮。苟亡

矣，則歛手足形，還葬，懸棺而封，人豈有非之者

哉？故夫喪亡，與其不足而禮有餘，不若禮不足

而哀有餘也。祭禮與其敬不足而禮有餘，不若

禮不足而敬有餘。伯高死於衛，赴於孔子，子曰：

吾惡乎哭諸？兄弟吾哭諸廟，父之友吾哭諸廟

門之外，師吾哭之寢，朋友吾哭之寢門之外，所



知吾哭之諸野今於野則已踈於寢則已重夫  
由賜也而見我吾哭於賜氏遂命子貢為之主  
曰為尔哭也來者汝拜之知伯高而來者汝勿  
拜既哭使子張往弔焉未至冉求在衛攝束帛  
乘馬而以將之孔子聞之曰異哉徒使我不成  
禮於伯高者是冉求也

子路有姊之喪可以除之矣而弗除孔子曰何  
不除也子路曰吾寡兄弟而弗忍也孔子曰行  
道之人皆弗忍先王制禮過之者俯而就之不

至者企而及之子路聞之遂除之伯魚之喪母  
也期而猶哭夫子聞之曰誰也門人曰鯉也孔  
子曰嘻其甚也非禮也伯魚聞之遂除之

衛公使其大夫求婚於季氏桓子問禮於孔子  
子曰同姓為宗有合族之義故繫之以姓而弗  
別綴之以食而弗殊

君有食族人之禮雖親也雖  
畫不異之族食多少也

百世婚姻不得通周道然也桓子曰魯衛之先  
雖寡兄弟今已絕遠矣可乎孔子曰固非禮也  
夫上祖祢以尊々之下治子孫以親々之旁治



昆弟所以教睦也此先王不易之教也

有若問於孔子曰國君之於百姓如之何孔子曰皆有宗道焉故雖國君之尊猶百世不廢其親所以崇愛也雖於族人之親而不敢戚君所以謙也戚親也尊敬君不敢如其親也

曲禮子夏問第四十三

子夏問於孔子曰居父母之仇如之何孔子曰寢苫枕干不仕干楸弗與共天下也遇於朝市不返兵而鬪兵常不離於身曰請問居昆弟之仇如之何

孔子曰仕弗與同國衞君命而使雖遇之不鬪曰請問從昆弟之仇如之何曰不為魁主人能報之則執兵而陪其後

子夏問三年之喪既卒哭金革之事無避禮與初有司為之乎有司當職吏也孔子曰夏后氏之喪三

年既殯而致仕殷人既葬而致事周人既卒哭而致事致事還政於君也卒哭之無時之哭夫三月而葬正月而卒哭士既葬而卒

也記曰君子不奪人之親亦不奪故也子夏曰金革之事無避者非與孔子曰吾聞諸老聃曰



魯公伯禽有爲之也

伯禽有母之喪東方有戎為不義伯禽為方伯

以不得之今以三年之喪從利者吾弗知也

子夏問於孔子曰記云周公相成王教之以世子之禮有諸孔子曰昔者成王嗣立幼未能蒞阼周公攝政而治抗世子之法於伯禽欲王之知父子君臣之道所以善成王也夫知為人子者然後可以為人父知為人臣者然後可以為人君知事人者然後可以使人是故抗世子法於伯禽使成王知父子君臣長幼之義焉凡君

之於世子親則父也尊則君也有父之親有君之尊然後兼天下而有之不可不慎也行一物而三善皆得唯世子齒於學之謂也世子齒於學則國人觀之曰此將君我而與我齒讓何也曰有父在則禮然然而衆知父子之道矣其二曰此將君我而與我齒讓何也曰有君在則禮然然而衆知君臣之義也其三曰此將君我而與我齒讓何也曰長也則禮然然而衆知長幼之節矣故父在斯為子君在斯為臣居子與臣



之位所以尊君而親之也在學之為父子焉  
學之為君臣焉學之為長幼焉父子君臣長幼  
之道得而後國治語曰樂正司業父師司成有師  
父道成一有亢良萬國以貞一謂天子也世子  
之謂聞之曰為人臣者殺其身而有益於君則  
為之況于其身于寬也以善其君子周公優為  
也

子夏問於孔子曰居君之母與妻之喪如之何  
孔子曰居處言語飲衎於喪所則稱其服而

已敢問伯母之喪如之何孔子曰伯母叔母疏  
衰期而踊不絕地姑姊妹之大功踊絕於地若

知此者由文矣哉言如禮文意當言姑姊  
妹而已姊上長姊白也

子夏問於夫子曰凡喪小功已上虞祔練祥之  
祭皆沐浴於三年之喪子則盡其情矣孔子曰  
豈徒祭而已哉三年之喪身有瘍則浴首有瘡  
則沐病則飲酒食肉毀瘠而病君子不為也毀  
則死者君子為之無子且祭之沐浴為齊潔也  
非為飾也



子夏問於孔子曰、客至無所舍、而夫子曰、生於我乎館、客死無所殯、夫子曰、於我乎殯、敢問禮與、仁者之心與、孔子曰、吾聞諸老聃曰、館人使若有之、惡有之、惡有之而不得殯乎、夫仁者制禮者也、故禮者不可不省也、禮不同不異、不豐不殺、稱其義以爲之宜、故曰、我戰則剋、祭則受福、蓋得其道矣、孔子食於季氏、食祭、主人不辭、不食亦不飲而食、子夏問曰、禮也、孔子曰、非禮也、從主人也、吾食於少施氏而飽、少施氏食我

以禮、吾食祭、作而辭曰、䟽食不足、祭也、吾食而作辭曰、䟽食不敢以傷吾子之性、主人不以禮、客不敢盡禮、主人盡禮、則客不敢不盡禮也、子夏問曰、官於大夫、既升於公、而反爲之服、禮與、孔子曰、管仲遇盜、取二人、馬上之爲公臣、曰、所以遊僻者、可人也、公許、管仲率桓公使爲之、官於大夫者、爲之服、自管仲始也、有君命焉、子貢問居父母喪、孔子曰、敬爲上、哀次之、瘠爲下、顏色稱情、戚容稱服、曰、請問居兄弟之喪、孔



子言卷十  
十三  
子曰則存乎書筴已

子貢問於孔子曰殷人既定而吊於壙周人反  
哭而吊於家如之何孔子曰反哭之吊也喪之  
至也反而亡矣失之矣於斯為甚故吊之死入  
卒事也殷以慤吾從周殷人既練之明日而拊  
于祖周人既卒哭之明日拊于祖拊祭神之始  
事也周以戚吾從殷戚猶促也

子貢問曰聞諸晏子少連大連善居喪其有異  
稱乎孔子曰父母之喪三日不怠三月不懈其  
悲哀三年憂東夷之子達於禮者也

子游問曰諸侯之世子喪慈母如母禮與孔子  
曰非禮也古者男子外有傳父內有慈母君命  
所使教子者何服之有昔魯孝公少喪其母  
其慈母良及其死也公弗忍欲喪之有司曰禮  
國君慈母無服今也君為之服是逆古之禮而  
亂國法也若終行之則有司將書之以示後世  
無乃不可乎公曰古者天子喪慈母練冠以燕  
居謂庶子王母也遂練以喪慈母之之如母始則



魯孝公之為也

孔子適衛遇舊館人之喪入而哭之哀出使子貢脫驂以贈之子貢曰所於識之喪不能有所贈於舊館不已多乎孔子曰吾向入哭之遇一哀而出涕吾惡夫涕而無以將之小子行焉子路問於孔子曰魯大夫練而杖禮也孔子曰吾不知也子路出謂子貢曰吾以為夫子無所不知夫子亦徒有所不知也子貢曰子所問何哉子路曰止吾將為子問之遂趨而進曰練而

杖禮與孔子曰非禮也子貢出謂子路曰子謂夫子而弗知之乎夫子徒無所不知也子問非也禮居是邦則不非其大夫

叔孫母叔之母死既小斂舉尸者出戶武孫從之出戶乃袒投其冠而括髮子路歎之孔子曰是禮也子路問曰將小斂則變服今乃出戶而夫子以為知禮何也孔子曰由汝問非也君子不舉人以質士賈猶正也

齊晏桓子卒平仲鹿裘斬首經帶杖以菅屨食



粥居傍廬寢苦枕草其老曰非大夫喪父之禮也晏子曰唯卿大夫曾子以問孔子孔子曰晏平仲可謂能遠害矣不以已知是駁人之非慈辭以避咎義也夫記者乃舉人避害之慈以辭而謂大夫士喪父母有異亦也惟也

季平子卒將以君之璵璠斂贈以珠玉孔子初為中都宰聞之曆級而救焉曆級遽登階不聚足曰送而以寶玉是猶曝尸於中原也其示民以姦利之端而有害於死者安用之且孝不順情以危親

忠臣不兆姦以陷君兆女姦為女姦之兆成也乃止孔子之弟

子琴張與宗友衛齊豹見宗魯於公子孟繫

之以為參乘馬及齊豹將殺孟繫告宗魯使行

宗魯曰吾由子而事之今聞難而逃是僭子也

僭不信使子言不信子行事乎吾將死以事周子而歸死

於公孟可也齊氏用戈擊公孟宗以背蔽之斷

肱中公孟宗魯皆死琴張聞宗魯死將往吊之

孔子曰齊豹之盜孟繫之賊也汝何吊焉君不

食姦不受亂不為利病於回回邪也不以利不



以回事人不蓋非義揜蓋不犯非禮汝何吊焉琴張乃止

邠人子草卒哭之呼滅舊說以滅子蒲名、人少名滅者、又哭名其父、不

近人情疑以孤窮自謂亡滅也子游曰若是哭也其野哉孔子

惡野哭者々々聞之遂改之

公文文伯卒其妻妾皆行哭失聲敬姜戒之曰

吾聞好外者士死之好內者女死之今吾子早

夭吾惡其以好內聞也二三婦人之欲供先祀

者言欲留不改嫁、供奉先人之祀請無瘠色無揮涕無拊膺揮涕

不哭流涕以手揮之拊猶無也膺謂胸也無哀容無加服有降服從

禮而靜是昭吾子也孔子聞之曰女智無若婦

男智莫若夫公文氏之婦智矣剖情損禮欲以

明其子為令德也

子路與子羔仕於衛有蒯瞶之難孔子在魯

聞之曰柴也其來由也死矣既而衛使至曰子

路死焉夫子哭之於中庭有人吊者而夫子拜

之已哭進使者而問故使者曰醢之矣遂令左

右皆覆醢曰吾何忍食此



季桓子死魯大夫朝服而吊子游問於孔子曰  
禮乎夫子不荅佗日又問夫子始死則矣羔裘  
玄冠者易之而已汝何疑焉子罕問於孔子曰  
始死之設重也何爲孔子曰重主道也殷主綴  
重焉綴連也殷人作主而周入徹重焉周人作  
就所倚請問喪朝喪將葬朝於子曰喪之朝也  
後殯於祖周朝而後遂葬

孔子之守狗死謂子貢曰路馬死路馬常則則

之以帷狗則藏之以蓋汝往埋之吾聞弊帷不  
弃爲埋馬也弊蓋不弃爲埋狗也今吾貧無蓋  
於其封也與之蓆無使其首陷於土焉

曲禮公西赤問第四十四

公西赤問於孔子曰大夫以罪免卒其葬也如  
之何孔子曰大夫廢其事終身不仕死則葬之  
以士禮老而致仕者死則從其列公儀仲子嫡  
子死而立其弟檀弓問子服伯子曰何居我未  
之前聞也子服伯子曰仲子亦猶行古人之道



昔者文王捨伯邑考

伯邑考文王之長子也言文王亦立子而不立孫也

而立武王微子捨其孫脂立其弟衍子游以聞

諸孔子之曰否周制立孫

孔子之母既喪將合葬焉曰古者不祔葬為不

忍先死者之復見也詩云死則同穴自周公已

來祔葬矣故衛人之祔也離之有以聞焉魯人

之祔也合之羨夫吾從魯遂合葬於防曰吾聞

之古墓而不墳今丘也東西南北也人不可以

弗識也吾見封之若堂者矣堂形四方又見若

坊者矣坊形旁殺又見履夏屋者矣又見若斧

形者矣吾從斧者焉於是封之崇四尺孔子先

及虞門人後雨甚至墓崩修之而歸孔子問焉

曰尔來何遲對曰防墓崩孔子不應三云孔子

泫然而流涕曰吾聞之古不脩墓及二十五月

而大祥五日而彈琴不成聲十日過禫而成笙

歌孔子大祥二十五日禫故十日踰月而歌也

孔子有母之喪既練陽虎吊焉私於孔子曰今

季氏將大饗境内之士予問諸孔子之曰丘弗



聞也若聞之雖在裘經亦欲與往陽虎曰子謂不然乎季氏饗士不及子也陽虎出曾點問曰吾之何謂也孔子曰已則裘服猶應其言示新以不非也孔子裘服陽虎之言犯禮故孔子答之以示不非其言者也

顏回死魯定公吊焉使人訪於孔子々々對曰凡在封內皆臣子也禮君吊其臣升自東階向尸而哭其恩賜之施不有竿也○竿蕪亂反計竿也又竹器也

原思言於曾子曰夏后氏之送葬也用盟器示民無知也殷人用祭器示民有知也周人兼而

用之示民疑也曾子曰其不然矣夫以盟器鬼器也祭器人器也古之人胡為而死其親也子游問於孔子曰之死而致死乎不仁不可為也之死而致生乎不智不可為也凡為盟器者知喪道也備物而不可用也是故竹不成用謂籩

也而瓦不成滕籩琴瑟張而不平笙竽備而不和籩籩可以懸鐘磬也○其籩先尹反籩其舉反

曰盟器神明之也哀哉死者而用生者之器不殆而用殉也殺人以從死謂之殉



子游問於孔子曰、葬者、塗車芻靈、自古有之、然  
今人或有偶、偶亦人也、是無益於喪、孔子曰、為芻靈  
者善矣、為偶者不仁、不殆於用人乎、

顏淵之喪、既祥、顏路饋祥肉於孔子、々々自出  
而受之、入、彈琴以散情、而後乃食之、孔子嘗奉

薦而進、嘗秋祭也、其親也、慤、慤親之奉薦也、慈實也、其行也、趨

趨、以數、言少威儀、已祭、子貢問曰、夫子之言祭也、濟

濟、容止、威儀、容止、今夫子之祭、無濟、容止、威儀、容止、何也、

孔子曰、濟、言賓客疏、遠之容也、漆、言賓客疏、遠之容也、漆、言賓客疏、遠之容也、

者、自反、謂安辭之容也、容以遠、若容以自反、夫何神明

之及交、必如此、則何濟、言賓客疏、遠之容也、漆、言賓客疏、遠之容也、

進、則燕俎、序其禮樂、脩其百官、於是君子致其

濟、言賓客疏、遠之容也、漆、言賓客疏、遠之容也、

也、

子路為季氏宰、季氏祭、逮昏而奠、逮昏未明、終日不

足、繼以燭、雖有強力之容、肅敬之心、皆倦怠矣、

有司跛倚以臨事、跛倚任也、其為不敬也大矣、佗日

祭、子路與焉、室事交于戶、堂事當于階、質明而



始行事晏朝而徹實明孔子聞之曰此以觀之孰為由也而不知禮

衛莊公之及國也改舊制變宗廟易朝市高子畢問於孔子曰周禮繹祭於禘之在廟門之西前朝而後市今衛君欲其事之一更之如之何孔子曰繹之於庫門內禘之於東市朝於西方失之矣

季桓子將祭齊三日而二日鐘鼓之音不絕冉有問於孔子曰孝子之祭也散齋七日慎思

其事三日致齋而一用之積一而用之也猶恐其不敬

也而二日伐鼓何居焉

公父文伯之母季康子之從祖母康子往焉側

門而與之言曰皆不踰闕側門於門之側而與

門文伯祭其祖悼子康子與焉悼子文伯始祖進俎而

不受進俎康子徹俎而不與燕徹俎之後而不

宗老不具則不繹繹祭文祭宗老大夫家臣也典

繹不盡飲則退飲厭神不盡厭孔子聞之曰男

女之別禮之大經公父氏之婦動中德趣度於



禮矣

中德之趣合禮之度

季康子朝服以縞曾子問於孔

子曰禮乎孔子曰諸侯皮弁以告朔然服之以

視朝若此禮者也

朝服以縞替宗祀也孔子惡指作康子但言諸侯以皮弁

以告朔卒然後朝服以視朝之服明不用縞

後序

孔子家語者皆當時公卿士大夫及七十二弟

子之所諮訪交相對問言語也既而諸弟子各

自記其所問焉與論語孝經並時弟子取其正

實而切事者別出為論語其餘則都集錄名之

曰孔子家語凡所論辯流判較歸實自夫子本

旨也屬文下辭往往頗有浮說煩而不要者亦

由七十二子各共叙述首尾加之潤色其材或

有優劣故使之然也孔子既沒而微言絕七十

二弟子終而大義乖六國之世儒道分散遊說

之士各以巧意而為枝葉唯孟軻荀卿守其所

習當秦昭王時荀卿入秦昭王從之問儒術荀

卿以孔子之語及諸國事七十二弟子之言凡

伯餘篇與之子由此秦悉有焉始皇之世李斯



焚書而孔子家語與諸子同列故不見滅高祖  
克秦悉斂得之皆載於二尺竹簡多有古文字  
及呂氏專漢取歸藏之其後被誅亡而孔子家  
語乃散在人間好事者或各以意增損其言故  
使同是一事而輒異辭孝景皇帝末年募求天  
下禮書于時京師士大夫皆迭官得呂氏之所  
傳孔子家語而與諸國事及七十子辭妄相錯  
雜不可得知以付掌書與曲禮衆篇亂簡合而  
藏之秘府無封之時吾仕京師竊懼先人之典  
辭將遂泯滅於是因諸公卿大夫私以人事慕  
求其副悉得之乃以事類相次撰集爲四十四  
篇又有曾子問禮一篇自別屬曾子問故不復  
錄其諸弟子書所稱引孔子之言者本不存乎  
家語亦以其已自有所傳也是以皆不取也將  
來君子不可不鑒

孔安國者字子國孔子十一世孫也孔子生伯  
魚之子思名伋嘗遭困于宋作中庸之書四  
十七篇以述聖祖之業授弟子孟軻之徒數百



入年六十二而卒子思生子上名白年四十七  
而卒自叔梁紇始出妻及伯魚亦出妻至子思  
又出妻故稱孔氏三世出妻子上生子家名傲  
後名求年四十五歲而卒子家生子直名檻年  
四十六而卒子直生子高名穿亦著儒家語十  
二篇名曰謏言年五十七而卒子高生武字子  
順名微後名斌爲魏文王相年五十七而卒子  
武生子魚名鮒及子襄名騰及子文名紉子魚  
後名甲子襄以好經書博學畏秦法峻急乃壁

藏其家語考經尚書及論語於夫子之舊堂壁  
中子魚爲陳王涉博士太師卒陳下生元路一  
字元生名育後名隨子文生寂字子產々々後  
從高祖以左司馬將軍佐韓信破楚於垓下以  
功封蓼侯年五十三而卒謚曰夷侯長子滅嗣  
官至太常次子襄字子士後名讓爲孝惠皇帝  
博士遷長沙王太傅年五十七而卒生季中名  
負年五十七而卒生武及子國々々少學詩於  
申公受尚書於伏生長則博覽經傳問無常師



年四十為諫議大夫遷侍中博士天漢後魯恭  
王壞夫子故宅得壁中詩書悉以歸子國々々  
乃考論古今文字撰衆師之義為古文論語訓  
十一篇孝經傳二篇尚書傳五十八篇皆所得  
壁中科斗本也又集錄孔子家語為四十四篇  
既成會值巫蟲事寢不施行子國由博士為淮  
南太守在官六年以病免年六十卒于家其後  
孝成皇帝詔光祿大夫劉向校定衆書都記錄  
名古今文書論語別錄子國孫衍為博士尚書

辯之曰臣聞明王不掩人之功大聖不遺人之  
善所以能其明聖也陛下發明詔諮群儒集其  
天下書籍無言不悉命通才大夫校定其義使  
遐載之文以有著於今日立言之士垂於不朽  
此則蹈明王之軌遵太聖之風者也雖唐帝之  
煥然周王之或々未若斯之極也故述作之士  
莫不樂測大倫焉臣祖故臨淮太守安國建仕  
於孝武皇帝之世以經學為名以儒雅為官讚  
明道義見稱前朝時魯恭王壞孔子故宅得古




文科斗尚書孝經論語世人莫有能言者安國  
爲之今文讀而訓傳其義又撰次孔子家語既  
畢訖會值巫蟲事起遂各廢不行于時然其典  
雅正實與世所傳者不可同日而論也光祿大  
夫向以其爲時所未施之故尚書則不記於別  
錄論語則不使名家也臣竊惜之且百家章句  
無不畢記况孔子家古文正實而疑之哉又戴  
聖皆近世小儒以曲禮不足而乃取孔子家語  
雜亂者及子思孟軻荀卿之書以裨益之揔名

曰禮記今向見其已在禮記者則便除家語之  
本篇是爲滅其原而存其末也不亦難乎臣之  
愚以爲宜如此爲例皆記錄別見故敢昧冒以  
聞奏上

天子許之未即論定而遇帝崩向又病亡遂不  
果立

孔子家語卷第十





子夏曰

未也

子曰君子之德也

未也

子曰君子之德也

子曰君子之德也

子曰君子之德也

Handwritten notes in the bottom right corner of the right page.

